



## **ISERIT A/S-IMI SIULERSUISUT SULERIAASIAT**

### **§ 1. SIULERSUISUT ATAATSIMEEQQAARNERAT**

Ukiut tamaasa ataatsimeersuarnerup kinguninngua siulersuisut siullermeersumik ataatsimiittarput. Ataatsimiinneq siulersuisut siulittaasiuannit aqunneqassaaq.

Siulersuisuni ilaasortanik nikittoqarsimappat siulersuisut suleriaasiat siulersuisunit atsiorneqassaaq, atsiorneqarsimasorlu siulersuisut ataatsimiinnerani atortunut toqqortanut inis-sinneqassalluni.

Allatat siulersuisunut pingaaruteqartut tamarmik misissorneqassapput, pisariaqarpallu akuerineqassallutik.

### **§ 2. SIULITTAASOQ**

Siulersuisuni siulittaasoq ataatsimeersuaqataasunit qinerneqassaaq.

Siulittaasup siulersuisut suliffeqarfillu sinnerlugit avammut kiinnetartussaavoq. Siulittaasoq ataatsimiinnerni aqutsisuuvoq, kingullermillu siulersuisut ataatsimiissimanerisa kingorna pisimasut pingaaruteqartut siulersuisunut nalunaarutigisassallugit.

Aalajangiiffigisassat ernumanartoqanngitsut siulersuisut tulliani ataatsimiinissaannut kinguartinneqarsinnaanngikkaangata siulittaasoq pisarnerup saniatigut siulersuisut sinnerlugit aalajangiisinnaavoq. Siulittaasorli sapinngisamik tamanna pitinnagu siulersuisuni amerlanerussuteqartunit akuersisunik, sapinngisamik allakkatigut allatulli ajornarpat oqarasuaatigut pissarsiniaqqaassaaq.

Tamassuma kingorna siulersuisut ataatsimeeqqaarnerini pineqartoq ilisimatitsissutigineqassaaq, pisariaqarpallu suliareqqinneqassalluni.

### **§ 3. ATAATSIMIIGIAQQUSINEQ ATAATSIMIINNERILLU AKUTTUSSUSIAT**

Minnerpaamik sapaatip akunnera ataaseq sioqqullugu siulittaasoq siulersuisut ataatsimiinissaannut ataatsimiigiaqusisassaaq, ullormullu oqaluuserisassat ilanngussallu pisariaqartut tamaasa piffissaq tamanna atorlugu nassiunneqarnissaat isumagissallugu.

Ukiumut minnerpaamik sisamariarluni ataatsimiittoqartassaaq, saniatigullu pisorta qarfirmi aamma/imaluunniit siulersuisuni ilaasortap imaluunniit kukkunersuisup tamanna kissaati-gippagu ataatsimiittoqassalluni.

Ukiumut ataatsimiinnerit sisamat tassaapput:

1. April-ip qaammataani ukiumut nalunaarusiaq pillugu ataatsimiinneq
2. Ataatsimeersuarnerup kingorna ukiup affaata siulliup ingerlasimanera pillugu ataatsimiinneq
3. Qaammatit august-ip oktober-illu akornanni naliginnaasumik ataatsimiinneq
4. Qaammammi november-imi imaluunniit december-imi missingersuutit pillugit ataatsimiinneq

#### **§ 4.**

#### **ATAATSIMIINNERNI AQUTSINEQ AALAJANGIISINNAASSUSEQARNERLU**

Siulersuisut ataatsimiinneri siulittaasumit aqunneqartassapput.

Siulersuisuni ilaasortat minnerpaamik affaat najuunnerisigut siulersuisut aalajangiisinnaassuseqarput.

#### **§ 5.**

#### **TAASINERNI MALERUAGASSAT**

Amerlanerussuteqarnikkut aalajangiisoqarsinnaavoq. Taasinerit amerlaqatigiinnerisigut siulittaasup taasineri alajangiisuussaaq. Taasinerit naligiippata siulittaasorlu peqataanngippat aalajangiisoqarsinnaanngilaq.

Pisortamik atorfinitsitsineq suleriaasillu allanngortinneqarnissaanni siulittaasup akuersilluni taasinissaa piumasaqaataavoq.

Siulersuisuni ilaasortaq imminermut imaluunniit suliffeqarfiup allallu isumaqatigiinniarneri, imaluunniit piumasaqarfigineqarnerini ilaasortaq tamatumani pingaaruteqartumik suliffeqarfiup soqutigisaannut akerliusumik soquti-gisaqaruni arlaatigut piumasaqarfigineqarnermigut suliffeqarfiup imminullu pillugit isuma-qatigiissuteqarnernut apeqqutit pillugit oqallittoqarnerini peqataasinnaanngilaq.

#### **§ 6.**

#### **IMAQARNILIAT**

Siulersuisut ataatsimiinnerini siulersuisullu aalajangigaat pillugit naalisakkat suliarinissaat siulersuisut siulittaasuata akisussaaffigaa.

Siulersuisut ataatsiminnerisa aallartinnerini tamatigut siuliani ataatsimiinnerup imaqarniliartaa siulersuisunit akuerineqarlunilu atsiorneqassaaq, siulersuisullu toqqortaatigisaannut inissineqassalluni, imaqarniliallu qupperneri tamarmik ataatigut siulittaasumit atsiorneqassapput.

Siulersuisuni ilaasortaq, imaluunniit pisortaq amerlane-russuteqartut aalajangigaannut isumaqataangikkuni tamassuma imaqarniliami allanneqarnissaa piumasaqaatigisinaavaa.

Imaqarniliami makku ilanngunneqartassapput:

1. Ataatsimeeqataasut aqqi.
2. Ullormut oqaluuserisassat allannguutaasinnaasullu.
3. Ullormut oqaluuserisassat naapertorlugit aalajangikkat.
4. Avammut nalunaarutit.
5. Imaqarniliortup aqqa.

## **§ 7.**

### **NIPANGIUSSINISSAQ**

Paasissutissat ataatsimiinnernilu atortut suliffeqarfimmit siulersuisunut ingerlateqqinneqartut isertukkatut isumagineqassapput. Siulersuisuni ilaasortat siulersuisullu ataatsimiinnerini najuuttut allat paasissutissat siulersuisut ataatsimiinnerini saqqummiunneqartut pillugu nipangiussimanissamik pisussaaffeqarput.

## **§ 8.**

### **PISORTAMIK IL.IL. ATORFINITSITSINERIT**

Pisortamik atorfitsitsineq atorfimmullu atasumik atugassat pillugit isumaqatigiinniarnit siulittaasumit ingerlanneqassapput. Inaarutaasumik isumaqatigiissusiortoqartinnagu isumaqatigiinniarnermi angusat siulersuisunut akuerisassanngorlugit saqqummiunneqassapput.

Pineqartuni ataasiakkaani siulersuisut allatut aalajangiingippata siulersuisut ataatsimiinnerini pisortaq peqataasassaaq.

Siulersuisut ataatsimiinnerini kingullermik ataatsimiinnerup kingorna suliffeqarfiup ingerlanneqarneranut tunngasut pisortamit nalunaarutigineqassapput.

## **§ 9.**

### **SULIFFEQARFIUP AQUNNEQARNERA**

Ulluinnarni aqutsineq pisortaqarfimmit ingerlanneqassaaq, tassanilu maligassiat, ilaatigullu taamaattoqarpat pisortaqarfimmut peqqussutit siulersuisunut suliassiissutigineqartut malilugit ingerlanneqassaaq.

Inatsisit maleruagassallu naapertorlugit piumasaqaatit naammassineqarnissaat oqartussaaitaaneq naapertorlugu siulersuisunit akisussaaffigineqarput.

Pisortaqarfiup saqqummiussai tunngavigalugit siulersuisut ataatsimoortumik periusissat suliarisussaavaat, taamatullu suliffeqarfimmi missingersuutit suliarineqarsimasut akuerisussaallugit.

**§ 10.  
PISORTAQARFIUP NALUNAARUTAA**

Ukiuumut nalunaarusiap suliarineqarnissaanut pisortaqarfiup sukumiisumik nalunaarusior-nissaa siulersuisunit alaatsinaanneqassaaq.

Nalunaarusiaq pisortaqarfimmit siulersuisunillu atsiorneqassaaq. Nalunaarusiami allas-simasuni isumaqatigiinngittoqassappat tamanna kissaatigineqarpat ukiumoortumi nalunaa-rusiami ilanngunneqassaaq.

**§ 11.  
UKIUMOORTUMIK NALUNAARUSIAP SULIARINEQARNERA**

Ukiumoortumik nalunaarusiortoqarnissaa siulersuisunit nakkutigineqassaaq, kiisalu ilan-ngullugu kukkunersuisup suliassamini paasissutissanik pisariartitaminik pissarsisinnaan-isaa qulakkeerneqassalluni.

Naatsorsuutini ataasiakkaanik nalorninartoqartillugu erseqqissaanissanut siulersuisut aki-sussaatitaapput.

**§ 12.  
KUKKUNERSIUINEQ**

Naleqquttumik naammaginartumillu kukkunersuisoqarnissaa siulersuisunit akisussaaffigi-neqarpoq.

Siulersuisut ataatsimiinnerini tamani kukkunersuisup allaaserisimasai ilaatinneqartassap-put.